

## INFORMACIJA O ISTEKU MANDATA ČLANOVIMA UPRAVNOG ODBORA AGENCIJE ZA OSIGURANJE U BOSNI I HERCEGOVINI

Agencija za osiguranje u Bosni i Hercegovini (u daljem tekstu: Agencija) je samostalna upravna organizacija osnovana Zakonom o Agenciji za osiguranje u Bosni i Hercegovini („Službeni glasnik BiH“, broj 12/04) (u daljem tekstu: Zakon). Organ upravljanja Agencijom je Upravni odbor Agencije koji se sastoji od sedam članova.

Vijeće ministara Bosne i Hercegovine je, na 103. sjednici održanoj 30.05.2017. godine, donijelo Odluku o imenovanju članova Upravnog odbora Agencije za osiguranje u Bosni i Hercegovini („Službeni glasnik BiH“, broj 46/17) (u daljem tekstu: Odluka). S tim u vezi, u Upravni odbor Agencije imenovani su:

- a) Njegoš Pavlović, stručnjak u oblasti finansija i sa iskustvom u oblasti osiguranja, predstavnik Vijeća ministara Bosne i Hercegovine - predsjednik Upravnog odbora,
- b) Vera Letica, iz Ministarstva finansija i trezora Bosne i Hercegovine, predstavnik Vijeća ministara Bosne i Hercegovine - član Upravnog odbora,
- c) Alma Kešo, iz oblasti osiguranja, predstavnik Vijeća ministara Bosne i Hercegovine - član Upravnog odbora,
- d) Snježana Rudić, iz Ministarstva finansija Republike Srpske - član Upravnog odbora,
- e) Slaven Dujaković, iz oblasti osiguranja, iz Republike Srpske - član Upravnog odbora,
- f) Nusreta Čerkez, iz Federalnog ministarstva finansija - član Upravnog odbora,
- g) Dinko Musulin, iz oblasti osiguranja Federacije Bosne i Hercegovine - član Upravnog odbora.

Članom 2. Odluke propisano je da se predsjednik i članovi Upravnog odbora imenuju na period od tri (3) godine.

Odluka je stupila na snagu danom donošenja, odnosno 30.05.2017. godine. S tim u vezi, predsjedniku i članovima Upravnog odbora Agencije mandat ističe 30.05.2020.godine. Vijeće ministara Bosne i Hercegovine pored imenovanja članova Upravnog odbora Agencije iz oba entiteta, imenuje i predsjednika i još dva člana Upravnog odbora na način propisan Zakonom.

S tim u vezi, informišemo vas o članu 3. Zakona kojim je propisan sastav i izbor članova Upravnog odbora kako slijedi:

*„ Predsjednik Upravnog odbora je stručnjak iz oblasti finansija, sa specijalizacijom i iskustvom iz oblasti osiguranja i imenuje ga Vijeće ministara Bosne i Hercegovine.*

*Vijeće ministara Bosne i Hercegovine imenuje predsjednika Upravnog odbora Agencije i još dva člana Upravnog odbora Agencije od kojih je jedan predstavnik Ministarstva finansija i trezora a jedan predstavnik iz oblasti osiguranja, na način da članovi imenovani od Vijeća ministara Bosne i Hercegovine treba da predstavljaju konstitutivne narode u Bosni i Hercegovini.*

*Entitetska ministarstva finansija predlažu po jednog člana Upravnog odbora Agencije iz ministarstva finansija entiteta i po jednog člana iz oblasti osiguranja.*

*Vijeće ministara donosi odluke o imenovanju članova Upravnog odbora Agencije iz oba entiteta.*

*Članovi Upravnog odbora Agencije imenuju se na period od tri godine s tim da prva imenovanja mogu biti i na period od jedne do tri godine, tako da se imenovanje po dva člana Upravnog odbora Agencije iz entiteta može obnavljati svake godine.*

*Imenovanja članova Upravnog odbora Agencije mogu biti obnavljana više puta, a u skladu sa važećim propisima.*

*Odluke o imenovanjima članova Upravnog odbora Agencije objavljuju se u „Službenom glasniku BiH“ i službenim glasilima entiteta i Brčko distrikta“.*

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08) Vijeće ministara Bosne i Hercegovine na \_\_\_\_ sjednici, održanoj \_\_\_\_ 2020. godine, donijelo je

### **ZAKLJUČAK**

1. Usvaja se Informacija o isteku mandata članovima Upravnog odbora Agencije za osiguranje u Bosni i Hercegovini.
2. Zadužuje se Agencija za osiguranje u Bosni i Hercegovini da, u skladu sa Zakonom o Agenciji za osiguranje u Bosni i Hercegovini („Službeni glasnik BiH“, broj 12/04), za Vijeće ministara Bosne i Hercegovine pripremi prijedlog odluke o imenovanju članova Upravnog odbora Agencije za osiguranje u Bosni i Hercegovini.

VM broj \_\_\_\_\_/20  
\_\_\_\_\_ 2020. godine  
Sarajevo

Predsjedavajući  
Vijeća ministara BiH  
Zoran Tegeltija, s. r.